

欽定剿平三省邪匪方略

欽定剿平三省邪匪方略正編卷一百八十

庚申年

五月十六日

丁酉

長麟奏言查南山北面共有七

十二峪口其自子午峪以東大峪庫峪等口向

係總兵觀祥帶領馬隊四百名步兵二百名堵

禦防守嗣

臣

帶同該鎮由商州孝義一帶相機

堵禦卽係大峪子午等峪裏層堵於山內無異

堵於山外惟是子午峪以西鄠縣盤屋所屬之

黑水峪辛峪西駱峪各口本無官兵堵守前經

臣

札飭藩司台斐音督率各州縣多練鄉勇並

添派壯丁八百名又調撥西安滿營馬隊五百

名併交台斐音就近調度布置

臣

於孝義途次

接據台斐音報稱閏四月二十九日有賊匪四

五百名先由盤匡縣所屬之辛峪竄出誘令兵

勇趕赴辛峪堵截又有賊匪一千餘名從西駱

峪竄出經馬隊鄉勇壯丁由東追躡逼至郿縣  
界內經臣派委防守斜峪關之鳳邠道王文瀾

署叅將綽克圖率領兵勇趕赴山外向東迎截  
賊匪於初二日卽由郿縣所屬之營頭峪折入  
山內該道等追進峪口賊匪奔至觀音嶺該道  
等恐其繞出斜峪關隨退出營頭峪馳往斜峪  
關防堵並據盩厔郿縣先後報稱賊匪因有兵

勇追截沿山堡寨堅固居民未被蹂躪查此股

賊匪係戴家營夥黨臣初聞其竄出峪口時急

擬趕出山外截剿並恐臣相距蓋屋較遠一面

飛調副都統和興額就近先行馳往茲經王文

涌等迎頭截攔賊匪仍留山內現准額勒登保

札各股賊匪勢向西趨大兵由東南追剿恐賊

匪乘間折竄東北囑臣前赴五郎所屬之江口

嚴密防堵並於鎮安途次接晤額勒登保面議  
機宜總以先顧東面爲重

臣

自應遵照馳赴江

口盤屋郿縣等處西至岐山山徑紛雜此次入  
山之賊難保其不再行窺伺當卽咨留和興額  
在彼防守其調撥之西安馬隊五百名亦已咨  
明署西安將軍觀成暫留該處交和興額管領  
以資分佈正在繕摺拜發間據王文湧稟報賊

匪竄入營頭峪後又由觀音嶺折向鸚哥嘴直  
趨岐山之桃川該道同綽克圖仍卽馳往追及  
賊隊鎗礮齊施賊匪捨命狂奔於初五日由溫  
水河翻出山外該道等急將兵勇撤回繞至平  
原迎頭截擊賊匪遂由桃川竄至寶雞之清水  
河復經該道等緊跟追剿該匪於初六日又由  
木河川逃竄入山等情查現在各股賊匪被京

面官兵追逼緊急均向西南奔竄惟有此股賊  
匪分向西北奔竄翻山逃遁出沒無常明係誘  
令官兵趕往西北追剿以分兵勢俾各股賊匪  
得以乘隙折向東趨且臣等途次屢獲賊探僉  
供各股賊匪久經商定總要竄往河南是此時  
東面情形最爲緊要此股賊匪現已竄回山內  
卽或再行竄出現有王文湧等兵勇一千五百



名又有副都統和興額滿漢官兵二千名並聞  
撫臣台布亦已派總兵長春從九品雒昂抽撥  
兵勇趕往截堵似已足敷剿辦又前據商州知  
州陳祁稟報四月間有賊匪一股由山陽竄入  
州境該州帶同本州及孝義藍田各卡義勇於  
十四日馳抵北灣堵禦賊匪已出楊家斜各義  
勇奮勇前進殺死馬探三名賊匪繼至復用鎗

礮轟焚二十餘名步賊搶上山梁下壓義勇亦  
佔對面山梁抵禦自午至亥賊匪愈來愈多適  
孝義紅石溝鄉勇趕到賊始卻退次日卯刻賊  
匪復蜂擁前來義勇用鎗礮轟擊相持至午賊  
匪馬隊四五百人由溝內直趨北灣繞出鄉勇  
之後又經留守軍裝之壯丁鄉勇奮力轟擊馬  
賊始退步賊亦卽奔逃均向軍鎮奔竄兩日打

仗共殺賊一百三十餘人鄉勇陣亡帶傷約七八百人等語當卽委員飭查詳報去後

臣

此次

路過藍田商州孝義訪查屬實查鄉勇之鮮每

遇賊卽逃多不得力今打仗至兩日之久傷亡

至七八百名之多其爲齊心合力已可概見當

茲軍務喫緊之時若不優加獎勵卹無以鼓士氣

而慰忠魂

臣

當將此次打仗傷亡各家屬先行

酌賞銀兩並飭催該州縣趕緊查造陣亡義首  
鄉勇各姓名並受傷等第清冊咨部請

旨賜卹奏入

上命軍機大臣傳諭長麟台布曰昨晚透到長麟六  
百里奏報朕以爲必係打仗殺賊緊要情形及加  
披閱祇係道員王文湧等攔截賊匪入山出山而  
摺內所叙情節又不明晰卽如堵於山內無異堵

於山外二語甚屬含混長麟既稱初聞戴家營夥  
匪竄入峪口急擬趕出山外截剿又恐相距較遠  
飛調和興額先行馳往其實賊匪已經王文湧等  
截入山內長麟仍未遇見一賊接仗一次所稱截  
剿賊匪全係王文湧之功與長麟毫無干涉且據  
稱此時惟東面情形最爲緊要之語顯係狡詐居  
心掩其不能追及之形迹卽如從前以西面爲緊

要之意前此賊匪東竄時長麟派令和興額等分  
段堵禦繪圖開單進呈俱在陝省西南一帶置東  
面於不顧現在大股賊匪業經額勒登保等從東  
截回由鎮安一帶西竄而長麟轉以爲東面緊要  
如果東面著重則額勒登保何以令長麟前赴五  
郎江口一帶防禦況昨據吳熊光奏陝省賊匪離  
豫已遠將山西山東防隘各兵丁酌留數百名其

餘卽飭回原營而定住亦帶直隸兵八百名赴陝  
可見現在賊已西趨否則吳熊光豈肯酌撤防守  
之兵而定住又豈舍豫而之陝乎看此情形長麟  
竟係揀擇無賊處所繞避而行設賊匪又折向東  
趨長麟必又以西面關係緊要矣其居心豈復可  
問又據稱在鎮安途次與額勒登保接晤面議機  
宜一節長麟與額勒登保所議者究竟是何機宜

並未據該督奏及王所奏現赴江口嚴密防堵江口一帶道路甚長長麟在江口何處防禦亦未聲明究無一語確實又據稱聞台布已派總兵長春等趕往防堵似已足敷剿辦等語前日台布奏稱約計長麟距省二百餘里未知駐紮何處今長麟摺內叙述台布之語亦係懸揣豈有督撫同在一省相距不遠彼此竟至消息不通之理看來該督



撫與經畧既不相連屬而總督與巡撫亦視同隔膜全不以國事爲重惟各存忌功卸責之見是誠何心長麟台布均着傳旨嚴行申飭伊二人若再不感發天良痛改積習實力堵剿併此嚴飭亦不可得矣思之慎之

十七日戊戌額勒登保奏言臣前督率官兵將劉

允恭等股匪全行殲盡因各股賊匪聞風均向

西南奔竄屢經嚴訊所擒活賊據供該匪等蓄  
意欲往河南又沿途拏獲賊探並稱該匪等四  
面分人訪察總探臣之所向倘大兵向西深入  
各賊匪必欲折回東奔是東北一帶仍須緊顧  
且賊匪狡獪伎倆急思竄向西南而隨處可通  
東北路徑本多若不先行堵截轉致墮其奸計  
是以臣令札克塔爾楊遇春及穆克登布等兩

路之兵分向西面緊追復囑恒瑞一路之兵暫往爛草坪蔴坪河等處緊備東面入鄖西之路

臣帶同岱森保慶成等取道茅坪青桐關冷水

河直趨鎮安一面前進杜其潛竄東北商雒之

路兼爲札克塔爾等聲援初九日臣行抵張家

壩接據札克塔爾楊遇春穆克登布報稱伊等連日由壬河口蔡家坪等處探剿旋於楓香園

兩路會合偵知賊匪在手扳崖一帶初六日五鼓踴道由木旺坪荆竹園分路追擊未刻將抓手扳崖聞賊匪又經前竄我兵暫行紮住令都司桑漢吳廷剛帶領兵勇十餘人前往確探行出數里孰意賊匪亦有探騎及步行八九人到來桑漢等密伏樹林突出截擊將馬賊用矛戳斃搶獲馬匹餘賊奔逃差人飛報札克塔爾等

知賊蹤不遠復派侍衛傳陞捫春保碩登保墨  
新叅將楊芳遊擊張瑗帶馬兵二百餘名兵勇  
五百餘名先行前進將鍋帳軍火各項均於手  
扳崖紮住派總兵九十在彼督兵防護札克塔  
爾等卽整集官兵分路而前至十餘里之桐木  
溝正值傳陞帶兵與賊往來衝殺遙見賊匪入  
馬蜂聚擁來札克塔爾等各親身督率將領直

前迎擊立斃賊匪一百餘名賊見兵勢勇猛不敢在溝內抵禦分人搶佔左右山梁希圖憑高抗拒溝內之賊仍復捨死力敵楊遇春商同桑吉斯塔爾格布舍仍卽督兵奮擊派令侍衛色玉慎副將豐伸海常遊擊李東宣唐文淑並千把劉元明馬懷珠率領湖北甘涼官兵鄉勇抄至右手山梁之後又派侍衛愛星阿副將喜明

張鳳叅將楊奎猷遊擊張明德及千把余步雲  
蘇雲龍范彪等率領廣東貴州兵直上左手山  
梁對面衝擊右山梁之賊經官兵倒壓斃賊四  
五十名輒先奔潰左山梁之賊亦存立不住被  
官兵極力攻撲齊奔下溝兩山梁官兵俱帶有  
劈山礮遊擊應元寶等卽放礮轟擊賊匪慌亂  
楊遇春穆克登布催令各兵勇奮力趕擊斃賊

二百餘名追出數十餘里又斃賊三百餘名追  
過長坪時已昏黑勢難再進統計殺賊七百餘  
名先後生擒一百餘名訊出僞副帥白士淮一  
名執旗賊目賈奇沙國珍二名探馬頭李興劉  
世洪二名嚴加訊問始知此股賊匪係伍金柱  
爲首該匪等恃其人數較衆聞有官兵卽令馬  
賊及矛子手共四千餘名前來迎拒伍金柱隨



後催趕其餘男婦賊衆午間已過長坪其餘活  
賊多係年輕壯健訊無附近擄掠之人在內當  
卽一併正法初七日早間探報楊開甲等股賊  
衆由龍王溝竄出教場壩冉學勝股匪亦由賈  
家營瓦子溝竄至龍王溝口伍逆餘匪剿潰之  
後亦向教場壩逃遁各股有會集之勢

臣 隨札

知札克塔爾等務卽乘勝趕剿其應賞兵勇

臣

前已將賞需銀兩帶往備用其兵勇實在奮勉者卽酌量分賞以示鼓勵查現在伍金柱等股賊匪潰奔教場壩一帶已在西南又聞戴家營等股有竄斜峪關方柴關之信亦經西向多在石泉城固洋縣邊界此一帶深山老林雖多賊匪亦未能久匿該匪等計窮情急或思從漢江上流踴淺過江或從棧道卡隘衝出均難逆料

臣

先已嚴飭各卡隘大小官員等務須日夜截

堵並飛札知照恒瑞卽帶兵由紫荆河松樹壩

馬蝗山等處相機逼進仍不時回顧東面

臣帶

兵卽由燕子嶺取道自東而西相機策應遇賊

卽剿以期漸次掃蕩奏入

上命軍機大臣傳諭額勒登保長麟台布曰伍金柱

大股賊匪均向西南奔竄經額勒登保派撥官兵

分路追擊在手扳崖長坪等處奮力攻撲殺賊七  
百餘名生擒一百餘名餘匪向教場壩一帶逃竄  
所辦尙好此次札克塔爾等在手扳崖探知賊蹤  
卽令總兵九十督兵防護鍋帳並派侍衛傅陞等  
帶兵先行前進隨卽整隊追擊頗能調遣得宜而  
札克塔爾楊遇春穆克登布親率弁兵直前迎剿  
均屬出力札克塔爾楊遇春穆克登布俱著交部

議叙以示獎勵此外若有出力如桑漢吳延剛等  
員弁仍着額勒登保查明具奏候朕另行加恩兵  
勇等奮勇出力所有此次發給賞銀著准其作正  
開銷現因陝省餉項尙在需用軍士冒暑打仗深  
爲軫念是以不待伊等奏請又撥庫銀五十萬兩  
解交長麟台布存貯備用上年十一月內曾賞給  
額勒登保銀一萬兩俾充賞項此時甫逾半載自

米用完但亦須寬爲儲備著再賞給額勒登保銀  
五千兩俾資接濟並著長麟等卽於此次解到餉  
銀內如數撥給此係恩賞額勒登保之項伊如有  
零星分賞之處卽可自行酌給無庸具奏

同日台布奏言查王文湧督同都司緯克圖帶  
兵追賊至桃川地方殺賊十名拏獲九名賊衆  
翻山北竄該道因岐寶山外平原緊要星夜繞

道前往行至八廟賊匪正在出山官兵連放鎗礮賊仍翻山向南四散奔逸初七日屯聚水河川商量關入棧道經總兵索費英阿探知於初八日五鼓拔營迎剿辰刻抵莫家河恰遇賊衆蜂擁而來約有二千餘人一見官兵佔踞高巖悉力抵拒官兵搶上山包鎗礮箭射自辰至申殺賊八十餘名索費英阿復用大礮轟擊賊始

敗退竄入深林維時總兵長春從九品雒昂駐紮杜溝聞信後卽鼓勵兵勇由小路急趨追至玉皇廟走馬嶺一帶林箐賊匪尙在憩息官兵乘勢撲入因樹木叢密鎗礮不能得力用矛奮力攻戳殺死僞元帥黃必喜一名賊匪一百餘名奪獲大旗三面騾馬驢羊不計其數餘匪仍

由深林翻山四竄

臣

查南山內賊數衆多經額



勒登保痛剿後分股竄逃此時向西來者已不止此一股臣復將自帶兵一百十名鄉勇八百

名派協領富盛阿帶領星往鳳縣抄出西南以壯聲勢仍令索費英阿長春雒昂三路齊心先將此股剿洗以期次第肅清其拏獲活賊逐一嚴訊分別辦理被裹難民亦已給票咨遣所有受傷遊擊袁文彩及四路傷亡兵勇應俟查明

咨部奏入

上命軍機大臣傳諭台布曰戴家營一股賊匪欲圖  
西竄經王文湧緊追至桃川地方帶兵攔回已據  
長麟奏到此股賊匪屯聚水河川又欲竄入棧道  
經索費英阿擊退並殺死僞元帥黃必喜一名殲  
賊百餘名亦可解恨賊匪所竄之區似此處處皆  
有官兵堵截剿捕自可得力現在陝省西面旣無

賊匪竄近而台布已派兵前往鳳縣抄截正當乘  
賊匪窮竄之時速行剿捕淨盡斷不可又任乘間  
闖入棧道竄至川北爲要

上諭內閣曰著於部庫內撥銀三十萬兩廣儲司庫  
撥銀二十萬兩解赴陝西軍營交長麟台布存貯  
備用

同日

上諭內閣曰慶成從前帶兵剿賊曾經受傷上年補授成都將軍派往協剿因到陝後遷延觀望以致坐失事機是以將伊犁革職發遣但其獲罪較之明亮永保尙屬稍輕是以從寬免發伊犁准其留於軍營効力贖罪慶成自此次到軍營後節據經畧額勒登保奏稱打仗奮勉已加恩賞給三等待衛數月以來隨同剿賊均屬出力現出有陝安鎮總

兵員缺特加恩着慶成以四品翎頂補授慶成惟當倍加感奮毋負朕棄瑕錄用至意

十九日

庚子

廣厚奏言竊

臣

疊據偵探賊匪欲由

石磨河向川省摩天嶺直奔青川經勒保迎頭

截擊賊卽翻黃土嶺西竄

臣

恐其出丹堡河偷

越北岸因隨帶遊擊都司共止四員均已分派

要隘隨令知州徐學采帶兵百名趕赴防堵果

有騎馬賊匪數十人從河口探渡徐學采卽放鎗礮斃賊七人擊落白布佛字大旗一桿賊卽分爲兩股一股由上丹堡番地竄往西蘭鄉一股翻白馬峪山向舊關溝奔逸

臣

一面派遊擊

陳五輯帶兵四百名馳往舊關之棗園壩嚴爲防範一面帶同知州胡紀謨縣丞席濂趕赴西蘭鄉正遇探報賊匪馬隊三百餘人已抵西蘭

鄉該處河岸寬濶樹木叢雜鎗礮難施賊匪望

見官兵仍在隔岸焚掠臣隨密派把總關殿魁

外委柴如栢徐士伏等領兵二百四十名並有

鄉勇王得中情願隨往潛由北岸下游渡河繞

出西齒鄉後山坡乘其不備鎗箭齊發斃賊二

十餘名賊卽奔跑我兵追趕又有步賊四百餘

人從前山溝內恃衆撲拒關殿魁柴如栢奮勇

向前各射死執旗賊目一人我兵奮力衝殺又斃八九十人賊遂爬越甘溝坪山梁向西南番地竄遁奪獲賊馬二十五匹刀矛九十四件大旗六桿外委徐士伏姚鳳鄉勇王得中均衝入賊隊受傷陣亡兵丁亦有傷亡外委張漢因擊賊直前未經回營是否陣亡抑係迷失山徑均俟查明報部並於夜間生獲賊探馬添富一名



據供今日官兵殺賊百餘內有馬五徒弟張旺  
謝世祿二人並馬五所騎之青馬亦被射死馬  
五騎驟先走令我前來探聽官兵多少馬五總  
要渡河由階州到陝西去我因天黑躲在林內  
就被拏獲等語當將該匪正法又有逃出難民  
劉彩陳法科等一百五十二名查明實係沿途  
裹脅俱給路照錢文釋令回籍其前股賊匪從

舊關溝竄出兒河岸稍窄蜂擁人渡經遊擊陳

五輯用鎗擊斃三十餘人賊仍翻白馬峪山奔

逸時值暴雨山徑險窄賊人擁擠跌斃者甚多

適勒保及前任提臣七十五帶兵趕到截殺又

復殲戮多名賊卽由羊架山番地竄往龍安烏

閣裡一帶勒保等躡蹤緊追查文縣與川省接

壤之處延長二百餘里道路最爲紛歧臣惟有

將各路要隘分兵嚴密堵截不使賊匪竄入以期仰紓

聖廑奏入

上命軍機大臣傳諭廣厚曰此次廣厚帶兵無多於賊匪奔竄時既能派兵扼要堵截復能探蹤前進相機擊剿並殲戮馬五大徒弟張旺謝世祿等足以壯聲威而寒賊膽所辦可嘉着交部議叙其射

死賊目奮力衝殺之把總關殿魁着卽陞補千總  
外委柴如栢着卽拔補把總以示鼓勵此外如尙  
有出力員弁並着廣厚存記俟勒保辦竣高二馬  
五賊匪後廣厚卽行保奏候朕一體加恩所有衝  
入賊隊受傷陣亡之外委徐士伏姚鳳鄉勇王得  
中俱着咨部賜卹至廣厚探知賊蹤卽派兵渡河  
直前追剿固屬相機辦理但此次官兵在西蘭鄉

渡河繞截係乘賊匪無備是以得獲勝仗而賊情  
狡猾或因此次失利將來施其詭計誘令官兵渡  
河遠追賊復乘間折回竄擾搶渡亦不可不慮嗣  
後廣厚遇見賊蹤竄近固應帶兵截殺但仍宜慎  
重於擊退賊匪後轉不必遠涉窮追或致墮賊奸  
計廣厚果能處處嚴密防堵不使賊匪竄入甘境  
卽屬廣厚之功也

同日姜晟奏言竊

臣

探知賊匪先由宜城竄至

安陸府鍾祥縣之河西轉斗灣一帶意欲偷渡

經該府縣督率鄉勇連次堵擊已向荆門一路

分竄距襄稍遠而鄖西竄匪已出楚境

臣

自省

前詣襄郡必由安陸府城鍾祥係附郭首縣距

荆門宜城軍營均百數十里

臣

本擬就近探明

軍營或先往與明亮倭什布酌籌一切何處緊

要卽行留駐防範至民間築堡團練節經通飭  
遵行所有距賊較遠地方據報次第興修其近  
賊處所未及趨辦自應先行酌量情形募集健  
勇相機擇要督飭分布堵禦

同日完顏岱奏言查賊匪徐添德等自小河口  
滋擾後旬餘以來竟敢沿江而下忽近忽遠或  
大隊全到或分馬步賊探凡平日商船往來停

泊著名之處如官莊茅草洲麗河口流水溝直  
至安陸府鍾祥縣之豐樂河石牌等二十餘處  
無不窺伺猖獗施放鎗礮擊打北岸兵民共傷  
安陸民人五名鄧州鄉勇一名當經員弁首事  
等帶領鄉勇沿江截堵每處擊斃馬步賊三五  
人並經帶領鄉勇首事武舉靳鵬翎武生曹振  
南在石牌地方擊斃打礮賊四名賊見到處無



船有兵隨卽退去臣於離小河口後暫駐襄樊

一面調勇一面彈壓聞賊下擾亦卽帶兵駛追

沿路據報賊至豐樂河石碑二處時經安陸府

知府施奕學鍾祥縣知縣蔡振中齊集民勇安

設鎗礮日夜巡防嚴密礮斃馬步賊數人豐樂

河民人並能乘隙划渡對岸搶賊大礮一尊沉

之江中今探得明亮倭什布孫清元等先後帶

兵抄圍而來又適值數日陰雨江水大漲石牌  
以下江外有五桂鵝子等小湖積水深寬賊匪  
不能淌渡於五月初八日遂由鍾祥之馬良山  
迤南向荊門州迤東奔去未會擾及沙洋查沙  
洋爲潛江京山二縣江面其下有枕江橫河一  
道名澤口上通荊州府賊於三年春間亦擾至  
沙洋卽止未過澤口再潛江京山二縣民間集

勇數千分防甚嚴查賊現在所向非奔當陽遠

安卽西繞荆門並可至襄陽南漳臣酌派員弁

帶兵勇五百名暫駐安陸府江面防其被剿折

回臣率領員弁兵勇仍上溯襄宜偵探賊蹤相

機佈置加意嚴防所有此次分外出力員弁鄉

勇首事人等業經具稟明亮及倭什布吳熊光

查核外再吳熊光又募鄉勇二千名來江並令

南汝光道陳鍾琛移駐老河口分撥各勇嚴防  
臣惟有會同竭力巡守均奏入

上命軍機大臣傳諭姜晟明亮倭什布曰現在賊匪  
已向荆門一路分竄距襄稍遠而鄖西竄匪已出  
楚境但賊匪奔竄無常姜晟自應嚴飭所屬相機  
擇要實力堵禦現值漢江水漲賊匪不能跣淺竄  
入豫境若欲向川境奔竄則巴東地方又有大昌

河阻隔賊匪不能搶渡惟賊匪前次竄匿深山易  
於截剿今竄至平地究係剿堵不力所致姜晟明  
亮倭什布等尤營截其去路逼令入山勿令完善  
之區遭其蹂躪爲要現據完顏岱奏到安陸府知  
府施奕學鍾祥縣知縣蔡振中於賊匪竄近時督  
同紳勇奮力截回使賊匪無從偷渡是該二員防  
堵甚爲得力如果各隘口防守之員俱似此奮勇

出力則賊匪何由肆竄而剿賊之員亦可併力追  
殺藏除淨盡施奕學蔡振中二員著姜晟等先行  
獎勵若該二員果能始終奮勉堵禦嚴密卽於事  
平之後據實保奏候朕再行加恩再完顏岱奏賊  
匪竄至安陸明亮倭什布孫清元等已先後帶兵  
沙圍想已與賊接仗並着明亮等卽將現在剿辦  
賊匪確切情形迅速具奏以慰廑注

上又命軍機大臣傳諭完顏岱曰楚省徐添德一股  
自小河口沿江西下直至鍾祥縣之豐樂河石牌  
等處屢窺江岸膽敢施放鎗礮擊傷北岸兵民深  
爲可恨該處員弁首事人等隨處堵截賊匪不能  
搶渡始行退去在事員弁可嘉之至所有鄉勇首  
事之武舉靳鵬翎武生曹振南著完顏岱稟知吳  
熊光令將該二人及分外出力之員弁鄉勇首事

人等俱先行存記俟將來軍務完竣與該省之大  
小出力各員一體加恩現在該處因連日陰雨江  
水漲盛賊匪不能淌渡已向荊門州迤東奔去然  
北岸防堵關係緊要此時明亮倭什布等先後帶  
兵抄圍而至自己趕上賊匪恐該匪或因被剿折  
回完顏岱既於襄宜一帶偵探賊蹤務須嚴密布  
置加意巡防與道員陳鍾琛協力堵禦切勿稍存



大意使賊匪有一人窺近北岸此爲至要

欽定剿平三省邪匪方略正編卷一百八十一

庚申年

五月二十一日

壬寅

額勒登保奏言查伍金柱股

匪經札克塔爾楊遇春等兩路官兵追急慮其

折而東向是以

臣

帶兵由燕子嶺取道楊家河

一面探聽賊蹤而進一面仍扼截東面要路十

一日果聞賊匪有由松樹壩竄來黑水河之信

臣

於十二日五鼓發兵趕至黑水河時已午後

前隊官兵拿獲賊探周維章等二名訊知全夥  
賊衆本欲卽奔黑水河往東逃逸昨晚拷問鄉

民知臣兵到來卽在大小銅錢窖屯紮令該犯

等前來探信當將該二犯正法卽催兵續行甫

至馬家坪松樹壩一帶聞鎗礮之聲不絕當令

岱森保慶成等帶兵搶上山梁察看山勢旋據

札克塔爾等差人稟報伊等因伍金柱大衆賊

匪已奔銅錢窖三鼓後從滴水河數路發兵札  
克塔爾同九十車森保安福等率領馬步兵勇  
由太平寨山梁抄赴石子嘴桑吉斯塔爾同色  
玉慎墨新帶領貴州兵及鄉勇由花樹灣抄赴  
小銅錢窖穆克登布同格布舍傳陞帶領馬隊  
並廣東兵由三義寨抄赴大銅錢窖楊遇春同  
福沖阿噶達飛豐伸帶領湖北官兵由紅巖溝

抄赴銅錢窖之東溝口並派副將喜明遊擊唐  
文淑等帶領甘涼兵隨時策應賊匪竄至大小  
銅錢窖分佔處所約有二十餘里天甫黎明正  
在起身札克塔爾等所帶各路官兵先後趕進  
該匪等猝不及防隨處砍殺已有四百餘人賊  
匪各搶上南面大山嶺四五處哨聚搖旗吶喊  
轉欲撲壓官兵札克塔爾楊遇春穆克登布格

布舍愛星阿督率各將領等亦卽分路仰攻侍衛車林保捫欽保愛星阿遊擊王應鳳都司桑漢等帶奮勇弁兵首先衝出賊前從上倒壓用矛連戳執旗賊目二名賊匪輒奔下溝該匪等趕來接應各路馬步兵勇爭先競進鎗箭並發賊匪不能抵當欲翻山而遁山後多係石巖無路可出捨死又下大焦溝奪路前竄官兵正在

趕擊斃賊甚多

臣

卽傳岱森保慶成等由小焦

溝向西橫出期於抄出賊前合擊

臣

並卽尾進

督催翻過三重山梁時巳申刻賊匪等向西亂

竄橋亭子石板橋溝一帶遙見官兵數路兜圍

攬殺又追趕十餘里上坡下坎到處屍橫斃賊

約計一千餘名日暮不能再進卽於西河口一

帶分割營盤臨陣各營生擒男婦共五百五十

一名口奪獲烏鎗刀矛數百件馬騾驢三百餘  
匹獲賊內訊出頭目楊六燕劉大明李代輔蔣  
勇隆等四名嚴刑訊問據稱此股賊匪係伍金  
柱龐洪勝爲首於手扳崖經官兵剿殺之後欲  
向山林內潛逃東竄山陽探聽別股所在與之  
商議乘間奔出豫省不料官兵如此緊追我等  
都是他分領戰手頭目今早尙見伍金柱騎馬



趕人與官兵對敵後見羅洪勝已被官兵在溝  
內殺死他就不知何往我等在伍金柱股內各  
領自行擄掠之人前後行走亦不知實有多少  
人數只聽見伍金柱十數日前曾說已有兩萬  
餘人羅洪勝係今年三月內進營伍金柱因他  
是湖廣人熟悉此一帶路徑與他相好朝夕不  
離在路行走伊二人更替或在前或在後衆人

都聽他號令現獲犯內有伊子龐有兒可以查  
問等語當卽查出龐有兒細訊年甫十二歲據  
供伊父名龐洪勝原係湖廣人在洵陽縣西岔  
河居住母親張氏向來開酒米糧食店我弟兄  
六人我尙從師讀書父親入白蓮教我不知道  
今年三月伍金柱到西岔河我家躲在上海  
來我父母同我家大小男婦二十七人一齊進

營我兄嫂等都在中途走失我母親在手扳崖  
被官兵打死今早我父親騎一沙馬帶我行走  
亦於途次擠散等語

臣

將各兵割獻首級先令

楊六燕等指認已認出龐洪勝首級又認得老  
教頭王者子首級據供王者子卽係到處傳教  
之師傅其龐洪勝首級令其子龐有兒認識龐  
有兒一見痛哭據稱實是伊父親龐洪勝并稱

伊父常與伍金柱在一處伊認識伍金柱年紀

不過二十餘歲等語雇有兒本屬年幼

臣

暫留

軍營以備識認伍金柱其餘楊六燕等四犯俱

係頭目卽行凌遲處死又陸樹庭楊占魁等三

百五十一名係從賊已久之犯亦均正法其餘

被擄民人訊明釋放續經民人等搜拿賊匪又

有一百餘人據民人聲稱此次眼見逃散者甚

多四山瞭望賊匪到處亂竄大概都向西河腦  
火鑱塢一帶逃去

臣

量予賞賚所獻賊匪逐加

查訊分別辦理伏思伍金柱到陝後號稱有二  
萬餘人前在手扳崖截殺及此次合兵痛剿斬  
獲已不下五千餘人逃散者不在其內兇鋒大  
挫已形殘敗若得乘勢卽將此股賊匪全數掃  
蕩則其餘各股自較易辦理查西河腦之路仍

在陝之西面而楊開甲等股賊匪亦在五郎洋  
縣並蓋屋一帶正西西南等處臣惟有隨時親

督官兵緊顧東北迅速以次剿辦至此次打仗  
官員均屬平善兵勇間有傷亡容另查明咨部  
再原任陝安鎮總兵柯藩昨因留駐山陽不能

帶兵剿賊經臣叅奏欽奉

諭旨令將柯藩革職於軍營枷號俟軍務完竣之日

再行發往伊犁仍查明有無藉病避賊情事等因

臣

細加察訪柯藩實係向患痔漏時發時止並

非無故捏飾但該員留駐山陽當賊至時不能

親自領兵出城又不卽行派員奮擊誠有應得

之罪該叅員尙在山陽

臣

因剿賊前進不便稽

遲隨派副將胡定泰在鎮安等候俟柯藩到來

宣示

諭旨革職枷號並將所奉

諭旨及柯藩業已枷號將來仍發伊犁之處通行各

路帶兵大小官員俾共知儆戒至前次掃蕩張

漢潮餘孽並連次擊剿伍金柱股匪軍營奮勉

出衆各員名謹分繕清單恭呈

御覽奏入

上命軍機大臣傳諭額勒登保曰陝境伍金柱大股



賊匪前經額勒登保大加剿殺欲奔黑水河逃逸  
因聞有官兵追截卽在銅錢窖地方屯紮經額勒  
登保派撥官兵分路抄截並親自督兵合力奮擊  
先後斬獲不下五千餘人並將首逆龐洪勝殲斃  
生擒其子龐有兒並斬戮伍金柱股內之老教頭  
王者子生擒賊首楊六燕等四犯連次克捷從此  
事機順利可期迅掃賊氛深堪嘉許額勒登保著

賞給白玉喜字搬指大小荷包嵌玉火鐮包搬指  
套雕象牙盒等件札克塔爾著賞給青玉喜字搬  
指大小荷包搬指套等件楊遇春穆克登布著各  
賞給玻璃搬指大小荷包搬指套等件以示獎勵  
並發去搬指套十個刮鯨十塊交額勒登保酌量  
分賞出力員弁此次殺賊奮勇之將領等除遊擊  
三應鳳等業經加恩外其侍衛車森保捫欽保愛

星阿三員如再能出力並著額勒登保將應如何  
加恩之處查奏到日再行降旨至伍金柱失其所  
恃自必易於拿獲務須查明實在下落速行擒捕  
剿淨此股再剿別股則其餘各股賊匪聞風膽落  
更可迅就廓清額勒登保惟應倍加奮勉乘兵威  
勝勢悉數殲除再膺茂賞其龐有兒一犯年甫十  
二自應暫留軍營以備識認俟陝省賊匪剿竣再

照緣坐例辦理至叅革總兵柯藩前駐山陽並不  
親自領兵出城又不派員堵剿罪無可諉業經查  
明遵旨枷示仍俟軍務完竣再發伊犁可也

上諭內閣曰額勒登保奏請將節次打仗出力之官  
兵鄉勇等分別加恩一摺遊擊王應鳳都司桑漢  
俱著賞換花翎千總丁永安張啟敖把總劉印景  
外委汪廷貴額外外委黃進孫漢李國泰馬兵韓

光遠洗奇仁白友左元李世章守兵萬金戰兵楊  
得勝步兵聶標文鄉勇頭目武興福劉營貴胡國  
安戴如棟均著賞戴藍翎吉林委叅領塔勒瑪善  
黑龍江防禦托倫保均著賞戴花翎盛京馬甲觀  
保吉林委官烏林泰綽哈那黑龍江委驍騎校彌  
濟特均著賞戴藍翎黑龍江領催齊達勒台巴圖  
魯雅木畢勒委官滿濟保獎賞藍翎馬甲楊濟保

烏爾圖那蘇吉林委官色克通阿均著賞給額外  
驍騎校以示鼓勵

同日台布奏言竊照戴家營賊匪復經長春雒  
昂由楊家河一路追至安溝地方奮力緊躡殺  
賊三百餘名獲賊一百六十餘名生擒教首熊  
必珍旗手邱開賢奪獲旗幟刀矛騾馬牛羊驢  
頭不計其數賊衆竄入深林翻嶺奔逃維時協

領富盛阿在鳳縣得信恐賊闌進棧道帶兵迎  
赴草涼驛行抵土峯溝賊匪卽又折回富盛阿  
悉力躡擊賊衆自相踐踏斃賊十數名生擒活  
賊四十七名因山溝狹窄鎗礮不能施展留遊  
擊馬忠於溝外堵截該協領自帶奮勇兵丁尾  
進溝口約七八里見有馬步賊匪督同護軍校  
福寧阿吶喊攻撲賊衆不敢抗拒紛紛四竄復

又拿獲賊匪七十九名總兵索費英阿聞知富  
盛阿與賊接仗前來策應後隊兵勇於青龍溝  
遇見竄匪截住剿殺道路陡險賊衆捨命抵拒  
從西至亥殺賊一百數十名兵勇傷亡亦多餘  
匪分作數股乘夜雨翻山由小路竄至百姓溝  
燒陽溝羅博菴高橋舖黑河等處此內黑河較  
爲緊要西通徽縣兩當南通畧陽沔縣

臣連接



各路稟報通行籌畫此時賊匪日以窮蹙忽分  
忽合其意總在牽綴官兵合則數千人祇稱一  
股分則二三百人亦可分作兩股三股若處處  
遣兵躡擊不特爲賊所愚抑且徒疲兵力而且  
山內各大股被經畧等痛剿其勢亦必西竄查  
現竄黑河之賊雖係戴家營分股而其總股究  
從索費英阿杜家莊汎地逸出自當責令該鎮

跟蹤攔剿以杜竄往燕兩之路其百姓溝等處  
各小股卽令長春雒昂分投搜捕協領富盛阿  
本爲兼顧鳳縣仍在該縣左近相機堵截札勒  
杭阿本守畧陽沔縣札令加緊防範勿使偷越  
以期仍在陝境剿淨所有傷亡兵勇應俟查明  
咨部辦理再楊開甲一股竄至洋縣地界於十  
一日由三岔庵一路突撲土門關經提督王文

雄督率都守千把帶領兵勇迎擊該匪分搶東西山梁官兵亦卽分投剿捕自未至戍計斃賊二百數十名執旗賊目四名擒獲活賊八名投出被裹難民一百餘名天色漸黑賊衆四散向東奔逃其白沙灘之蕎麥灘黛洋灘兩處同日有騎馬賊目三十餘人率領步賊前來踰渡被守卡兵勇用礮轟打退回江岸十二日寅刻賊

衆復來偷渡把總王培璉赤身扛礮率領鎗手  
淌水轟擊斃賊馬八匹賊匪仍拚命踴撲自寅  
至午斃賊數十名該匪未得過江亦卽折而向  
東俱不至於西竄奏入

上命軍機大臣傳諭長麟台布曰此次長春雒昂等  
追賊至安溝地方殺獲賊匪四百餘名協領富盛  
阿帶兵尾進溝口復經索費英阿前來策應殺獲

賊匪三百餘名所辦俱好又楊開甲一股賊匪竄至洋縣地界王文雄督兵殺賊次日賊衆復來偷渡把總王培璉赤身扛礮率領鎗手轟斃賊馬八匹復殺賊數十名賊匪不至西竄均爲奮勇出力富盛阿著台布先行存記如能始終奮勉再行保奏候朕加恩把總王培璉著卽以千總拔補用示獎勵至現竄黑河之賊據奏總股究從索費英阿

杜家莊汎地逸出自係該處防堵不嚴所致現在  
作何跟蹤截剿不致竄往徽兩之處仍令台布查  
明具奏此時伍金柱大股賊匪業經額勒登保在  
銅錢窖痛加剿殺幾及五千名餘匪向西奔竄而  
楊開甲等各股亦在五郎洋縣及盤屋一帶竄聚  
係陝省正西西南等處此時西面南面堵禦最關  
緊要所有西面一帶著責成台布長春索費英阿

三人實力防堵南面一帶著責成王文雄實力防堵再據額勒登保奏首逆龐洪勝業經官兵殲斃訊據伊子龐有兒龐洪勝於本年三月內伍金柱到西岔河卽帶同男婦大小投入賊營是龐洪勝並非被賊逼迫入夥且龐洪勝家道殷實非無業貧民可比乃於賊匪擾及該處並不幫助官兵剿殺竟率領家口甘心從逆此由該督撫等平日於

地方百姓不能盡心化導俾知大義以致家計饒裕之戶亦去而從賊今該犯既經官兵殲斃長麟等務當詳悉曉諭南山一帶附近居民以爾等素安生業各有身家若遇賊匪擾及邨莊果能幫助官兵剿賊不但保全里閭并可立功邀賞若輕陷賊黨則身爲叛逆爲王法所不宥如龐洪勝之全家盡罹誅戮身家俱破可爲炯戒如此明白宣示



庶小民知所懲儆不致輕於從賊其罷洪勝名下  
田地本屬不少現在作何查辦併此外叛產如罷  
洪勝者尙多或分給難民耕種或安插投出無業  
之民並著該督撫等卽行飭屬清查並如何分給  
之處據實具奏

二十二日

癸卯

上命軍機大臣傳諭額勒登保曰昨據台布奏戴家

營分股賊匪由小路竄至百姓溝黑河等處黑河  
西通徽兩南通暑陽沔縣責令索費英阿跟蹤攔  
剿等語已降旨責成台布長春索費英阿防堵西  
面一帶責成王文雄防堵南面一帶矣本日召見  
那彥成方維甸詢問黑河地方據稱黑河在棧道  
之西與徽縣兩當接壤即可直趨秦隴伊等先後  
進見所言不約而同是戴家營分股賊匪業已越

過棧道卽可至甘肅境內恐額勒登保聞知此信  
遽捨現辦之伍金柱楊開甲等股賊匪親自帶兵  
赴甘則伍金柱等必復折向東竄仍擾及商雒地  
方長麟雖現在江口一帶專防陝省東面但該督  
未經行陣其所帶甘涼兵亦非勁旅不足倚恃額  
勒登保已屢獲勝仗伍金柱一股勢漸窮蹙正當  
趁此機會迅速殲除卽可接剿楊開甲等股賊匪

斷不可捨而至甘致賊東竄其徽縣兩當等處前  
經被賊蹂躪今賊匪已至黑河自應上緊截回雖  
現有台布索費英阿長春等在西面防堵尙恐不  
能得力且據那彥成奏伊等所帶之兵亦屬平常  
必當另派勇幹大員前往幫同截剿現在額勒登  
保大營又添那彥成一路勁兵軍威極爲壯盛儘  
可酌量分出著該經畧卽撥兵二三千名交楊遇

卷一百一十一  
春管領由捷徑迅赴棧道之西繞出賊前與索費  
英阿奮力攔擊將此股賊匪截回勿令竄入甘境

同日

上諭內閣曰前經調撥直隸山東山西三省官兵赴  
軍營協剿均係新募之兵技藝生疎不能得力帶  
兵大員等恐徒有添兵煩費之名不肯檄調昨吳  
熊光奏亦稱該三省之兵於征剿無益而三省之

中山西兵尤屬疲軟自軍營來者衆口一詞諒非  
苛論卽如直隸兵丁定住尙挑選八百名赴陝剿  
賊而山西之兵竟爲領兵各員所棄而不用現據  
那彥成奏伊所帶兵內卽有山西兵數百名甚屬  
無用且有途次逃回原營者該管營官置之不問  
而信麟亦未經查辦昨那彥成自陝來京經過晉  
省見蒲州防河兵一千名皆係老弱詢之方維甸

所奏亦同是該省防守之事竟屬有名無實各省  
召募兵丁全在地方無事之時實力操演以期有  
備無患遇有調撥必須兵精械利方足以資剿捕  
今晉省之兵如此不堪可見伯麟平日管束兵丁  
全未認真訓練上年因伯麟係以巡撫兼提督銜  
統轄營伍特加恩賞戴花翎今該省操防如此廢  
弛尙有何顏承受卽著革去花翎並交部議處伯

麟當倍加愧奮督率將弁竭力振作認真操演冀  
成有用之師務令於一二年內兵皆精練俟伯麟  
奏到時朕特派大員或侍衛等往查屬實伯麟仍  
可邀恩給還花翎倘仍前懈玩不能整飭必將該  
撫從重治罪

二十三日

甲辰

明亮倭什布奏言查徐添德股匪

內賊目張洪榮等均係川省積年猾賊節經川



陝官兵剿辦迄未殲除現在人數愈衆賊騎愈

多臣等與孫清元所帶官兵共止三千餘名內

疲乏者轉居其半卽隨營練勇有二千餘名而

勇往得力者亦不過十之五六殊形單薄但賊

夥旣多勢不得不將疲乏兵勇結隊前進令其

隨同守營站牆以壯聲勢前次該匪等在鍾祥

之斑竹舖地方經官兵剿退後卽分爲兩股一

股由大路直奔荆門一股沿漢江西岸而下且  
倚恃馬多沿途到處埋伏計圖截我官兵臣等  
率領兵勇一千餘名沿江追襲一面飛飭孫清  
元抄剿大路之賊并令沿途加意防範五月初  
一日孫清元帶領兵勇行至東紹關地方忽有  
馬賊三四百名步賊二千餘名由兩旁山林內  
突然衝出幸孫清元先有整備卽將兵勇紮住

嚴陣以待賊匪分爲三股一衝我兵前隊一抄我兵後隊并以賊馬直衝中隊我兵屹立不動俟其逼近大隊官兵鎗礮齊發箭飛如雨斃賊甚多該匪等全不畏懼仍敢向前直撲我兵各用刀矛爭先砍戳共斃馬賊十餘名步賊一百餘名賊衆抵敵不住始行敗走官兵鄉勇止傷亡二十餘名并有外委李必見彭士華力敵陣

亡時已天晚又值大雨孫清元卽在該處紮住  
次日探知賊匪由北冲杜家灣等處竄往百順  
舖與沿江之賊歸併一處下趨石牌一帶臣等  
遂與孫清元會合正擬併力截剿下期自初二  
日至今每日大雨如注溪河山澗同時驟漲卽  
低窪積水亦深二三尺不等官兵行走處處阻  
滯查鍾祥以下漢江本屬寬深兼之大雨之後

水勢頓長一二丈且東岸現經地方各官聚集  
義勇甚多而西岸船隻又早提盡並有河南臬  
司完顏岱乘舟順溜探蹤攔截實無虞其飛渡  
惟荆門東通潛江南達荊州均係完善之處斷  
不可任賊竄擾臣等連日策勵兵勇冒雨涉水  
勉力前進無如行至荆門東北數十里外有溪  
河一道寬至十數丈水深一二丈不等建瓴直

下沟湧異常向有渡船一隻業被衝失不特官

兵難以渡河卽探信之人亦均被阻隔臣等心

急如焚幸賊匪亦被溪澗所阻總在州城附近

之李家集皮家集黃家集等處往來盤折不能

遠遁臣等選派素識水性之弁兵設法泅水過

河諭知該州文武多集健勇嚴行堵截一面固

守城池以待大兵臨剿旋有馬步賊匪二三百

人直至該州城外窺探經知州張琴會同守備  
謝世芳督率兵勇出城迎擊鎗斃馬賊七名步  
賊受傷甚多外委張云安殺賊陣亡賊匪當卽  
退去十一日早雨稍止溪河水勢漸退臣等與

孫清元帶領兵勇涉水過河是日尙衝去兵勇  
數人騾駝馬匹亦間有衝失十二日行至荊門  
州以南之虎牙關探知賊匪已由南路團林鋪

竄至建陽驛一帶該處已逼近荊州當卽飛派  
孫清元帶領兵勇由州治之東繞往賊前遏其  
南竄荊州之路

臣

等帶領兵勇由虎牙關向南

追剿以圖兩面夾擊詎賊匪聞知官兵趕到卽  
由西面王家場張家場等處竄至煙墩集白馬  
塢一帶屯聚查該處仍係路通荊州荆門並可  
回竄鍾祥大道必須三面合圍當派孫清元帶



同叅將吉林泰遊擊全祿孫應奉都司毛秉剛  
等由東南一帶抄截而進

臣

明亮帶同副將樊

雄楚遊擊胥泗起都司雙柱等由西北一帶抄

截而進

臣

倭什布帶同都司鄧興相守備王占

鰲等自東而西三路官兵於十三日五更並進

賊匪亦分數股蜂擁圍繞迎拒我兵鎗箭齊發

繼以短兵相接共斃馬步賊匪二百餘名賊卽

潰亂遂向西南奔逃官兵乘勢追殺沿途均有  
斬獲並生擒劉乾等二十一名其被裹民人乘  
間逃出者共三十四名沿途奪獲器械甚多賊  
匪遂向當陽之河溶官塢一帶搶佔山梁負嵎  
抗拒時已天晚臣等遂於煙墩集一帶紮營堵  
截隨提劉乾等查訊據供徐添德等自宜城竄  
至荆門因沿途居民俱已逃避糧食無可裹掠

不科官兵猝至纔逃往煙墩屯紮餘無要供當  
卽正法其逃出民人訊係均州穀城一帶新近  
被裹之人均有家室可歸當各給予照票咨送  
回籍伏查賊匪現已逼入西南山內荆襄驛路  
業就肅清臣等仍與孫清元分路抄截并飛飭  
當陽遠安南漳等縣一體團勇實力防範以爲  
堵剿兼施之計至此次打仗陣亡把總鍾名諒

外委劉正秀二員兵丁鄉勇亦間有傷亡容俟  
查明另行咨部辦理再前調荊州滿營有馬官  
兵七十名於閏四月十九日在南漳馬家營地  
方猝遇賊匪被圍前鎮臣王凱帶兵往援所有  
打仗陣亡員弁前經奏明查明另奏茲查荊州  
滿營佐領百順及甲兵官泰等二十三名均於  
被圍時往來衝擊力竭陣亡又千總汪世煥黃

金桂彭奉陳永年把總徐正科外委寧光耀羅  
士勇莊韜均於是日隨同王凱衝入賊隊力戰  
陣亡均應請

旨賜卹

倭什布奏言此次川省賊匪由竹谿闖入楚境  
擾及襄鄖各州縣而鄖西一路前次又有陝匪  
突入邊境凡賊氛所經之處居民或遷居寨堡

或避入城中并有沿河百姓就近渡赴彼岸暫

避者經臣飛飭各地方官捐資搭蓋席棚棲止

其未帶糧食之貧民按名支發口糧或給饅餅

暫資餬口俟賊氛去遠卽令寧家再行查明照

例給與撫卹茲據鄖陽府王正常稟稱竹谿竹

山兩縣山多田少疊被賊擾十室九空現值青

黃不接之時糧價騰貴民食倍形拮据而各該

縣倉儲自軍興以來撥碾殆盡一時無項接濟  
若將應撫戶口照例折給銀錢終未能平市價  
而濟民食應請速籌調濟又據派往邠西之糧  
儲道恒慶稟稱鄉義各勇屢經堵剿賊匪最爲  
出力所有前次陣亡練勇例得卹銀以及被難  
義民應行撫卹之處必須及時給發臣查難民  
例應給賑三個月並給予房屋修費其陣亡鄉

勇亦有例得卹賞銀兩現當賊匪分擾之時自以固結民心爲主惟竹谿竹山兩縣倉無儲積無項可動查該郡現有解到軍需米一萬石尙

可通融籌撥

臣

已令該府卽動撥數千石分運

二竹地方將被難民人先發一月口糧以濟目前之急卽令該府督同地方官隨查隨放不得稍有稽延該處早稻向於六月底登場包穀雜



糧亦於七八月間收穫此後應否再行酌給折  
色以資接濟之處容俟察看情形斟酌辦理其  
難民中有年力強壯之人並令挑充鄉勇人夫  
藉資駕馭其鄖西一路糧價尙不甚昂似可概  
給折色現亦飭局酌發銀兩責成該道恒慶就  
近督同該縣孔繼楫將陣亡各練勇應得卹賞  
銀兩及該處居民義勇例得撫卹口糧房費一

併剋期給發俾民勇咸知感奮似於防堵機宜  
更有裨益其餘被賊之房縣保康鄖縣均州穀  
城南漳襄陽鍾祥荊門遠安興山等州縣是否  
相同現今各地方官確查具報交與藩司孫玉  
庭委員妥爲安撫其動缺軍需米石仍令該藩  
司籌撥補解以免缺誤均奏入

上命軍機大臣傳諭明亮倭什布曰楚省徐逆一股

賊匪在荊州一帶分股奔竄經明亮派令孫清元帶兵繞前遏截親率將弁分路進擊殲賊多名遁入西南山內荆襄驛路已就肅清所辦甚好現在廣西之兵未到明亮已能奮力截剿逼賊入山卽日兩廣新兵接續到齊加以新到馬隊自更較前振作明亮惟當倍加奮勉迅掃賊氛朕必當立沛殊恩加之懋賞其徐添德一犯最爲著名首逆者

能將該犯設法生致卽應將該犯派員解京盡法處治並令沿途百姓見之同聲稱快以伸國法而洩衆憤卽或臨陣殲斃亦必當驗明首級無任稍有捏飾又據倭什布奏被擾難民分別撫卹一摺自應如此辦理所發口糧惟當督飭地方官按名散給俾難民均得實惠勿令吏胥等侵漁中飽方爲妥善其被賊各州縣如尙有應行蠲緩之處並

著查明據實具奏候朕加恩至此次明亮等追剿賊匪已近荊州而弘豐係屬宗室現任荊州將軍豈有聞知官兵相距不遠竟不派委營員前來接應賊隊相距已近竟不派兵截剿視若無事之理並著明亮將官兵追賊所至之地相距荊州若干里弘豐曾否差人到營派兵接應據實覆奏並賊匪何以得有如許馬匹之處一併遇便覆奏所有

此次打仗陣亡之把總鍾名諒外委劉正秀李必  
見彭士莘張云安俱著咨部賜卹其查明前在南  
漳遇賊被圍打仗陣亡之荊州滿營佐領百順甲  
兵官泰等二十三名及千把外委汪世煥等亦著  
一併咨部賜卹